

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆԻ

«---» ապրիլի 2013թ.

N-----Ա

ՈՐՈՇՈՒՄ

ՀՈՂԱՄԱՍԵՐԻ ՓՈԽԱՆԱԿՈՒԹՅԱՆԸ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ

Ղեկավարվելով Հայաստանի Հանրապետության հողային օրենսգրքի 71-րդ հոդվածի 3-րդ կետով, Հայաստանի Հանրապետության կառավարության 2001 թվականի ապրիլի 12-ի N286 որոշմամբ հաստատված կարգի 32-րդ կետով, հիմք ընդունելով Երևան քաղաքի ավագանու 2012 թվականի դեկտեմբերի 25-ի հ.580-Ն որոշումը, Հայաստանի Հանրապետության կառավարության 2011 թվականի դեկտեմբերի 15-ի «Երևան քաղաքում ավտոճանապարհի կառուցելու ներդրումային ծրագրի մասին» հ.1800-Ա որոշումը՝

Երևան քաղաքի ավագանին որոշում է.

Տալ համաձայնություն՝ Արա Մանուկյանին սեփականության իրավունքով պատկանող (անշարժ գույքի սեփականության (օգտագործման) իրավունքի գրանցման 27.06.2005թ. հ.1963509 վկայական) տարածագնահատման 6-րդ գոտում գտնվող Երևանի Բուսաբանական փողոցի հ.11 հասցեում գտնվող 246.5քմ մակերեսով հողամասից 26.0քմ մակերեսով հողամասը հարակից տարածքում գտնվող Երևան համայնքի սեփականությունը հանդիսացող 26.0քմ մակերեսով համարժեք հողամասի հետ փոխանակելու համար:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ-ՀԻՄՆԱՎՈՐՈՒՄ

«ՀՈՂԱՄԱՍԵՐԻ ՓՈԽԱՆԱԿՈՒԹՅԱՆԸ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ՎԵՐԱԲԵՐՑԱԼ

Սույն որոշման նախագծով նախատեսվում է Արա Մանուկյանին Բուսաբանական փողոցի հ.11 հասցեում սեփականության իրավունքով պատկանող 246.5քմ մակերեսով հողամասի 26.0քմ մակերեսով հողամասը փոխանակել կից գտնվող Երևան համայնքի սեփականությունը հանդիսացող 26.0քմ մակերեսով համարժեք հողամասի հետ:

Հողամասերի փոխանակությունը պայմանավորված է այն հանգամանքով, որ Արա Մանուկյանին Բուսաբանական փողոցի հ.11 հասցեում սեփականության իրավունքով պատկանող 246.5քմ մակերեսով հողամասից 26.0քմ մակերեսով հատվածը գտնվում է կառուցվող ավտոճանապարհին անմիջապես կից հարևանությամբ և հողամասերի փոխանակման արդյունքում հնարավորություն է ստեղծվում ավտոճանապարհի շինարարական աշխատանքների ավարտից հետո ունենալ քաղաքաշինական առումով առավել կանոնակարգված հատված և միաժամանակ լուծվում է նաև հարևանությամբ գտնվող հողամասերի ուրվագծերի և դիրքի կարգավորման հարցը:

Հաշվի առնելով ստեղծված իրավիճակը և նախատեսվող ավտոճանապարհի կառուցման անհրաժեշտությունը, հողամասի սեփականատիրոջ հետ տեղի ունեցած բազմաթիվ բանակցությունների արդյունքում ձեռք բերված պայմանավորվածության համաձայն, որպես նշված հողամասի փոխանակում առաջարկվում է Բուսաբանական փողոցի հ.11 հասցեում գտնվող Արա Մանուկյանին սեփականության իրավունքով պատկանող 246.5քմ. մակերեսով հողամասից 26.0քմ. մակերեսով հողամասը փոխանակել Երևան համայնքի սեփականությունը հանդիսացող համարժեք հողամասի հետ:

Քննարկվող հողամասը համապատասխանում է Հայաստանի Հանրապետության հողային օրենսգրքի 64-րդ հոդվածի 2-րդ կետի 1), 2), 3) ենթակետերի պահանջներին, ընդգրկված չէ նույն օրենսգրքի 60-րդ հոդվածի սահմանափակումների ցանկում և ըստ տարածագնահատման համաձայնեցված սխեմայի գտնվում են 6-րդ գոտում:

«Հողամասերի փոխանակությունը համաձայնություն տալու մասին» Երևան քաղաքի ավագանու որոշման ընդունումը պայմանավորված է Հայաստանի Հանրապետության կառավարության 2011 թվականի դեկտեմբերի 15-ի «Երևան քաղաքում ավտոճանապարհ կառուցելու ներդրումային ծրագրի մասին» հ.1800-Ա որոշման կատարումն ապահովելու հանգամանքով:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

Տ Ե Ղ Ե Կ Ա Ն Ք

**«ՀՈՂԱՄԱՍԵՐԻ ՓՈԽԱՆԱԿՈՒԹՅԱՆԸ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ» ԵՐԵՎԱՆ ՔԱՂԱՔԻ
ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ
ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՅՈՒԹՅԱՆ ՄԱՍԻՆ**

Երևան քաղաքի ավագանու «Հողամասերի փոխանակությանը համաձայնություն տալու մասին» որոշման նախագծի ընդունման առնչությամբ այլ իրավական ակտերում փոփոխություն կատարելու անհրաժեշտություն չկա:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

Տ Ե Ղ Ե Կ Ա Ն Ք

**«ՀՈՂԱՄԱՍԵՐԻ ՓՈԽԱՆԱԿՈՒԹՅԱՆԸ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ» ԵՐԵՎԱՆ ՔԱՂԱՔԻ
ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ
ԵԿԱՍՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ**

Երևան քաղաքի ավագանու «Հողամասերի փոխանակությանը համաձայնություն տալու մասին» որոշման նախագծի ընդունման կապակցությամբ Երևանի բյուջեում չի նախատեսվում եկամուտների և ծախսերի փոփոխություն:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ